

Kuamshwa ili Kutenda,

Basi, kesheni ninyi kila wakati, mkiomba, ili mpate kuokoka katika haya yote yatakayotokea na kusimama mbele za Mwana wa Adamu. Luka 21:36.

Nilioneshwa hatari yetu, kama wanadamu ya kusimilishwa na ulimwengu badala ya kusimilishwa na sura ya Kristo. Sasa tupo katika mipaka ya ulimwengu wa milele, lakini ni kusudio la adui wa nafsi zetu kutusababisha kuweka mbali kabisa mwisho wa wakati. Shetani kwa njia yoyote ile atawashambulia wale wanaodai kushika amri za Mungu na wanaoungoja ujio wa pili wa mwokozi wetu mawinguni katika utukufu. Atasababisha wengi kadiri awezavyo kutokumbuka siku mbaya na kuwafanya kuwa kama walimwengu kiroho, wakifuatisha desturi zake. Nilishituka pale nilipoona kuwa roho ya kidunia ilikuwa ikiongoza mioyo na akili za wengi ambao wanatangaza sana ukweli. Ubinafsi na kuendekezanafsi vimo ndani yao, lakini utauwa wa kweli na uadilifu wa hali ya juu havijengwi.

Malaika wa Bwana alielekeza kwa wale ambao wanatangaza kweli na kwa sauti yenye taadhima akarudia maneno haya: “Basi, jiangalieni, mioyo yenu isiye ikalemewa na ulafi, na ulevi, na masumbufu ya maisha haya; siku ile ikawajia ghafula, kama mtego unasavyo; kwa kuwa ndivyoitakavyo wajilia watu wote wakaao juu ya uso wa dunia nzima. Basi, kesheni ninyi kila wakati, mkiomba, ili mpate kuokoka katika haya yote yatakayotokea na kusimama mbele za Mwana wa Adamu.”

Tukizingatia kuwa tunao muda mfupi sisi kama wanadamu tunatakiwa kukesha na kuomba na kwa namna yoyote hatutakiwi kuruhusu chochote kutugeza kutoka katika kazi muhimu sana ya kufanya maandalizi kwa ajili ya tukio kubwa lililoko mbele yetu. Kwa sababu muda unaonekana kuongezwa, wengi wanaweza kuwa wavivu na wasiojali kuhusiana na maneno na matendo yao. Hawatambui hatari yao na hawaoni wala kuelewa rehema za Mungu wetu katika kuongeza muda wa rehema kwao, ili kwamba waweze kupata muda wa kutengeneza tabia kwa maisha ya milele yajayo. Kila wasaa una thamani kubwa.

Muda umetolewa kwao, si kwa ajili ya kuishi kwa kustarehe na kuwa wakazi wa ulimwengu, bali kutumika katika kazi ya kushinda kila kasoro katika tabia zao na katika kuwasaidia wengine, kwa mifano na jitihada binafsi, kuuona uzuri wa utakatifu. Mungu anao watu ulimwenguni ambao kwa imani na tumaini takatifu wanafuatilia ueneaji wa utimizwaji wa haraka wa unabii na kutafuta kujitakasa nafsi zao kwa kuitii kweli ili wasikutwe bila vazi la harusi pale Kristo atakapoonekana... Ishara zilizotabiriwa kwenye unabii zinatimia kwa haraka kote kutuzunguka. Mambo haya yanapaswa kumwamsha kila mfuasi wa kweli wa Kristo ili kutenda kazi kwa bidii (**Testimonies for the Church 4:306, 307**).